

白
朝
詞
林
典
故



皇朝詞林典故



皇朝詞林典故

一九九〇年二月江蘇廣陵

古籍刻印社據清光緒刊

本影印

續纂詞林典故序

乾隆戊辰詞林典故

書成大學士張廷玉

等以序請

聖製弁於卷首輝騰東壁

彩煥西清於千萬年
敬稽舊制洪惟我

皇考臨御六十載闡一道

同風之盛治開

壽宇作人之嘉祥鴻才碩

彥濟、蹕、登芸署
遊鳳池者以千萬計
承

右文

重道之澤敷邳治保
邦之猷豈徒炫染才

華研鍊詞賦而已哉
前書僅八卷今自戊
辰至嘉慶甲子又續
增至六十四卷具昭
儲才之盛彌欽

化育之隆予小子敬承大

業益亶求賢登玉堂
之國士其思經世載
道立言牖民務脩根
柢之學毋尚虛車之

飾弼予蒞政庶期化
民成俗實有厚望焉
乙丑仲冬月大學士
朱珪請序敬闡

皇考前序之深意續書於

後以誌我朝木天之
盛軌奎壁珠輝鳳池
華翰與四庫石渠同
垂奕禩永昭不朽矣

嘉慶



御筆

嘉慶十年十一月十八日內閣奉

上諭據翰林院掌院學士朱珪等奏恭纂
皇朝詞林典故全書告竣繕寫正本進
呈朕詳加披閱編輯尙爲詳備所有總
裁總纂提調纂修協修分校收掌各員
雖據奏稱不敢仰邀議敘但念卷帙繁
多纂辦完善均著加恩交部給予議敘

其謄錄供事應行議敘人員並著分別
等第咨部照例給予議敘全書副本卽
著發交武英殿刊刻摺單併發欽此

皇朝詩林

卷之五

卷之五

皇朝詞林典故書成聯句

有序

紀儒臣之榮遇文章與職業俱崇裒藝苑之前聞聲
烈共圖書不朽溯槐廳而諮掌故舊帙重排臚楓陛
以效賡颺初筵式煥春韶寫慶簪毫集大雅之材清
禁宣題授簡際成書之日粵自周官職稱太史漢廷
賦託翰林金馬名儒西京特傳待詔蘭臺令史東觀
兼攝修書沿及三唐盛於兩宋冠集賢而名院標麗
正以分曹省郎兼任於秘書學士專知夫制誥員屢

增於儀鳳神龍而後品遂躋於北扉東閣之間時政
起居綜著作別開史局國書除拜預機密仍直經筵
林牙體峻夫遼京判院秩優于金代元尊承旨置編
撰而監領崇文明重禮賢典詔勅而存參大政國家
隆開區宇廣設制科

戎衣而集大勲勇畧會聞馬上禮羅以延庶士名賢盡入
彀中考卜論都文館聿基內院止戈

定鼎詞臣始立專官裕文通武達之猷植榦留於弈世綜

茂實英聲之彥雅頌出自熙朝我

皇考道協貞恒功兼揆奮運辰樞而端

帝範作君統以作師炳雲漢而倬天章吉人鬱爲吉士美

繁林之薈翳玉署

天臨聚文府之珪璋瑤階日麗霈雲愷宴西園攄五字之
吟晉晝便蕃東壁藹三霄之瑞縉史乘而寵榮未有
薈冠紳而感幸非常

命勒簡編用垂鉛槧首陳鉅典眉列諸門旁蒐瀛島之叢